

Uorden da chasa da scoula

Remarcha: La fuorma masculina da persunas vaglia eir per persunas femininas.

Ingio cha umans lavuran ed imprendan insembel, pon els simplifichar la convivenza schi's tegnan vi da tschertas reglas. Impreder ha implü d'avair lö in ün ambiaint quiet.

In nossa scoula dessan tuots as sentir bain: Scolars, magisters, collavuraturs, giasts eui. Per dir cuort: Uffants e creschüts.

Nus mettain eir pais sün güstia e la protecziun dals plü debels.

Per garantir quist vaglia il seguant uorden da chasa da scoula:

Art. 1 Deport general

- a) Nus muossain buna maniera e salüdain a magisters, collavuraturs e visitas.
- b) Per motivs da sgürezza restain nus sül areal da scoula (areal da posa: da la saiv dal parkegi fin pro la saiv da la plaza cotschna), eir scha lecziuns tanteraint croudan oura. Quist vaglia eir per lecziuns chi han lö sur mezdi. Il mag. da classa pissera chi saja a disposizion ün local da lavur.
- c) Nus giain dürant las posas grondas immediatamaing our il liber (las tualettes nu sun ün lö da posa!). Sch'ün magister da classa permetta ün'excepziun es quai d'avivar a la survaglianza da posa.

Art. 2 Reglas da deport sün tuot l'areal da scoula

- a) Nus tgnain net e vain chüra da l'areal e da la chasa (incl. mobiliar) da scoula.
- b) Nus büttein buorras da naiv be illa zona admissa. Nus nu büttein quistas ne sül corp sura d'üna persuna, ne vers la chasa da scoula.
- c) Nus deponain ils velos, mopeds ed oter obain illas chamonnas previsas o lura suotvart al lö previs. Nus nu giain tras l'erba cun quels vehiculs. Da quels nu faina adöver dürant las posas.
- d) Il fümar, il possess e consüm dad alcohol, otras drogas ed energy drinks es strictamaing scumondà e vain sancziunà.
- e) Nus nu portain ingüns curtels o oters ogets privlus sün nus. Tals ogets vegnan ramassats e pon darcheu gnir retrats dals genituors.
- f) Nus büttein il s-chart illas ternas chi stan a disposiziun.
- g) Nus discurrin üna lingua cultivada ed evitain pleds ordinars e primitivs.

Art. 3 Reglas da deport in piertans da scoula

- a) Il stumplar e cuorrer davo ün a tschel es scumondà, pervi chi po dar feridas e nu porta pro ad ün'atmosfera calma ed agreable.
- b) Nus nu fain canera e nu überlain, perquai vaina la plaza da posa.
- c) Dürant l'instrucziun regna quietezza aint ils piertans.
- d) Nus nu fain don corporal o psichic (mobbing) ad ingün.

- e) Sch'inchün chaschuna ün don vi dals indrizs da la scoula es quai dalunga d'avalar al magister da rom o da classa. I vain fat ün protocol. Il pedel pissera pella reparatura ed il quint vain trmiss a chasa.

Art. 4 Reglas da deport in stanza da scoula

- a) Cur chi sclingia cumainza la lecziun. Ils scolars sun pronts per cumanzar l'instrucziun in stanza da scoula cul material sün maisa.
- b) Nus nu mangiaint tschicks o otras dutcharias in tuot las stanzas d'instrucziun.
- c) Minchün es svess responsabel cha sia plazza vegna laschada inavo netta ed in bun uorden.

Art. 5 Material

- a) Nus nu büttain intuorn o donnagiain material da conscolars o da sai svessa.
- b) Nus deponain tas-chas da scoula / da gimnastica süls bancs da la gardaroba.
- c) Nus deponain ils putschs süllas curunas previsas.
- d) Nus pigliaint a chasa tuot las tas-chas davo scoula (davomezdi).
- e) Tuot il material da scoula vain deponà i'l spind persunal.

Art. 6 Mezs electronics

- a) Ils telefonins e las uras "smartwatch" ston gnir dats giò al cumanzamaint dal di da scoula in üna chaista. Quists mezs electronics restan quia fin mezdi e ston davomezdi darcheu gnir dats giò fin la fin dal di da scoula. Il telefonin sto esser drizzà aint sainza tun e sainza vibraziun. Surpassamaints vegnan sanczunats seguaintamaing: Il telefonin vain tut davent subit pel rest dal di da scoula.
- b) Las personas d'instrucziun pon permetter l'adöver dals telefonins per l'instrucziun.

Art. 7 Büschmainta

- a) I vain spettà ün'apparentscha netta e cultivada, uschè sco chi'd es plü tard eir üsit in ün affar o in üna scoula successiva.
- b) Dürant l'instrucziun nu portain nus büschmainta cha nus vain dovrà dürant las lecziuns da gimnastica.
- c) Nus nu portain büschmainta irritanta ed obscena (p.ex. t-shirts cun decoltè, t-shirts massa cuorts, schoccas mini, hotpants etc.). Las chotschas suot nu sun visiblas.
- d) In stanza d'instrucziun nu portain nus ingüñas chapütschas o otra büschmainta chi cuverna il cheu.

Unic las personas d'instrucziun o ils mainascoulas han il dret da permetter excepcions in cas motivats.

Disposiziuns finalas:

Nus racumondain als genituors da pisserar cha'ils scolars nu piglian massa blers raps o oters ogets da valur cun sai. In cas da perdita o invöl refusa la scoula la responsabilità.

Nus mettain a cour als genituors da motivar a lur uffants da tour cun sai üna marendia sana.